

中國方志叢書·華北地方·第五二四號

據

清·李于垣修，楊元錫纂
嘉慶十五年刊本

影印


河北省

長垣縣志

成文出版社有限公司印行



10106117



中國方志叢書·華北地方·第五二四號


據

清·李于垣修，楊元錫纂
清嘉慶十五年刊本

影印

河北省

長垣縣志



成文出版社有限公司印行



10106118

中華民國六十四年

月臺一版

長垣縣志

全四冊

發行人：黃

成助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

長垣縣志卷十

循政記

史記循吏列傳司馬貞索隱述贊曰奉職循理爲政之
先漢書循吏傳曰謹身帥先居以廉平又曰以經術潤
飾吏事甚矣哉循吏之難乎其人也長垣循政自先賢
仲子而下代有名入見諸史冊近代自前明至今凡有
政蹟著聞卓卓可攷者無論官職之崇卑一以歷官先
後爲序與職官表相爲表裏表則概列姓名不計賢否
記則循名責實義取謹嚴表有名而記無述抑揚之意
可爲後來者勸矣

周

仲由字子路一字季路魯卞邑人爲蒲大夫辭孔子孔子
曰蒲多壯士又難治然吾語汝恭以敬可以執勇寬以正
可以比衆恭正以靜可以報上治蒲三年孔子過之入境
三稱其善子貢問之孔子曰入其境田疇盡易草萊甚辟
溝洫深治此其恭敬以信故民盡力入其邑墉屋完固樹
木甚茂此其忠信以寬故民不偷至其庭庭甚清閒諸下
用命此其明察以斷故其政不擾唐開元八年以十哲配
享孔子二十七年贈衛侯宋大中祥符元年封河內公咸
淳三年加封衛國公明嘉靖九年改稱先賢仲子縣東關
外有墓及祠又祀名宦

東漢

仇覽字季智一名香陳畱考城人也爲蒲亭長勸人生業
爲制科令至於異業爲限雞豚有數農事旣畢乃令子弟
羣居還就黌學其剽輕游恣者皆役以田桑嚴設科罰躬
助喪事賑恤窮寡暮年稱大化有陳元者獨與母居而母
詣覽告元不孝覽驚曰母守寡養孤苦身投老奈何肆忿
於一朝欲致子以不義乎母聞感悔涕泣而去覽乃親到
元家與其母子飲因爲陳人倫孝行譬以禍福之言元卒
成孝子鄉邑爲之諺曰父母何在在我庭化我隴臬浦所
生

以上節錄後
漢書循吏傳 祀名宦

曹成字子穀扶風人壽之子也司徒掾察孝廉爲長垣長

母爲太后師徵拜中散大夫

以上三輔
決錄注

封關內侯官至齊

相

後漢書
列女傳

祀名宦

周舉字宣光汝南汝陽人博學洽聞爲儒者所宗順帝時舉茂才爲平邱令上書言當世得失辭甚切正尚書郭虔應賀等見之嘆息共上疏稱舉忠直欲帝置章御坐以爲規戒後拜光祿大夫

節錄後漢書列傳

宋

蘇舜欽字子美梓州銅山人少慷慨有大志狀貌怪偉好爲古文歌詩一時豪俊多從之游初以父任補太廟齋郎調滎陽縣尉尋舉進士改光祿寺主簿知長垣縣有政績遷大理評事范仲淹薦其才召試爲集賢校理監進奏院數上書論朝廷事後放廢寓於吳中二年得湖州長史卒

祀名宦

据宋史
文苑傳

葛書舉字規叔常州江陰人熙寧三年中進士第調餘杭主簿歷知真陽縣改左宣德郎知長垣縣事有地訟更數令不決其人執康定元年二月書契爲證書舉至謂曰僞契也康定改元在寶元之冬豈復有二月耶訟者詘服吏大驚其爲政明決多類此元祐六年六月十六日卒於長垣官舍年五十有四子張仲牧仲子仲皆舉進士

淮海集

上官敏功不詳所自靖康元年任長垣知縣是年金人陷

長垣死於難詔贈五官與一子恩澤

舊志

明

劉彥昭籍貫無考洪武元年任長垣縣丞因水患徙治彥

昭創建城垣衙署學校壇廟諸務舉舉縣人德之

舊志

婁哲籍貫未詳洪武二十一年任長垣縣丞徙縣未久諸凡修理有功

舊志

張時字存中鳳陽府潁州人明初舉明經任長垣訓導奉敕擬大誥後序卒葬長垣子孫遂入籍本支頗盛六世八

登科云祀名宦

舊志

胡儼字若思江西南昌人舉洪武丁卯鄉試第二人授華亭教諭母憂服除改長垣教諭能以師道自任博極羣書以身率教諸生翕然從化題其室曰願庵乞優地就養復改餘干學官建文元年薦授桐城知縣成祖卽位授翰林檢討直文淵閣遷侍講進左庶子永樂二年九月拜國子

監祭酒七年帝幸北京召赴行在明年命兼侍講掌翰林院事輔皇太孫留守北京十九年改北京國子監祭酒儼館閣宿儒朝廷大著作多出其手洪熙改元以疾乞休賜敕獎勞進太子賓客仍兼祭酒致仕復其子孫宣宗卽位以禮部侍郎召辭歸家居二十年方岳重臣咸待以師禮儼與言未嘗及私自處淡泊歲時衣食纔給正統八年八月卒年八十三祀名宦

節錄明史列傳參引舊志

焦昉字孟昇保定府定興人生員永樂初年任滿城主簿陞長垣知縣九年進秩裕州知州仍理縣事久任於垣廉勤子惠如父母之於赤子宣德八年卒垣民相與營葬於邑城內東南隅又築室居其妻子遂世爲長垣人祀名宦

舊志

胡敏字好學山東卽墨人舉人宣德年任長垣訓導教有師法擢廣東道御史尋復司訓長垣父震舉人爲河南杞縣教諭敏構榮養堂迎父母就養卒俱葬長垣遂入籍弟睿進士官侍郎睿子鍵銳俱成進士鍵官參政銳亦官至侍郎

舊志

蕭翼字體全江西永新人進士正統間任長垣知縣拓城

垣建四門十四年河決歲大饑翼多方撫綏民無失業歷

陞順德知府

舊志

劉宏字超遠常州無錫人舉人景泰五年任長垣知縣勤

政愛民廢墜修舉陞東平知州

舊志

王輔字良鸞陝西同州人成化壬辰進士癸巳授長垣知縣邑兩稅三歲未集催科令急若渴火民困甚輔通計田畝均其稅糧民不知勞而稅集邑東北隅地最下橫潦積而成壑輔疏而注之河化澤國爲膏腴地築城垣修學校革里甲煩費明勸課之令報最行取擢御史終浙江按察司僉事

楊亨字文通山西河津人成化戊戌進士授長垣知縣以誠治民戒惡勸善革里正之侵漁培學舍之俊彥己亥邑東南患水亨相其原隰築隄以禦之民不罹水患人皆戴德行取擢御史巡按浙江

杜敷字子開蘇州吳縣人進士宏治三年授長垣知縣治

河有功繁太行長隄增墪增補舍殿與諸生講授易學人
士皆宗之擢監察御史

高志

貢安甫字克仁常州江陰人宏治丙辰進士授長垣知縣
舊志稱其廉明莊重勸遵禮法無不可爲世絕以實心行
實惠時以爲循吏之首民甚德之擢河南道御史祀名宦
案明史列傳安甫於孝宗時嘗疏劾壽寧侯張鶴齡正德
初兵部尚書劉大夏爲中官所扼謝病去戶部侍郎陳清
遷南京工部尚書安甫稍還大夏而罷清報聞時八黨竊
柄朝政日非御史陸崑與安甫等上疏極諫時劉健謝遷
皆被逐於是御史薄彥微爲首上公疏請留建遷而罪馬
永成劉瑾等瑾怒悉逮下詔獄各杖三十除名後列奸黨

五十三人以安甫首南御史聞彥徽等公疏安甫筆也家居十年終歲不入城市後起山東僉事甫三月引疾歸

謝理徽州祁門人舉鄉試經魁宏治八年授長垣教諭學

行俱優多所造就陞永平府教授

舊志

高崇明山西石州人宏治十六年任長垣縣丞古朴有執

一介不苟取陞山東邱縣知縣祀名宦

舊志

盧煦字子春浙江東陽人進士正德六年任長垣知縣政

尚寬易山東寇起有捍禦功陞刑部主事

舊志

殷宗信山東高唐州人歲貢生正德九年授長垣縣丞寬

厚誠實幹濟有爲尤能不濫用刑深悉民隱人皆感之

舊志

張治道字時濟陝西長安人進士正德十年任長垣知縣

剛明果斷鋤強梗扶善良才有餘而志不能屈凡上官之令有裨於治者卽爲舉行或妨民者力請去之加築城垣

修整學校民懷其德陞刑部主事告歸

舊志

伍餘福字疇中蘇州吳縣人進士正德十三年授長垣知

縣負才名畱心教養修雙忠祠延未第舉人讀書其中贍

以養田文風蔚起政事之暇多所著述光工草書歷陞兵

部郎中

舊志

彭騰雲山東青城人歲貢生正德十五年任長垣縣丞性

狷介吏役無敢私謁者陞忻州同知

舊志

王三省陝西朝邑人進士初授大名知縣嘉靖四年以才

能調長垣陞吏部主事歷戶部員外郎中彰德知府民多

恩之舊志

王懋字昭大陝西咸寧人進士授御史以言事謫典史嘉靖七年陞長垣知縣廉明慈惠歷陞河南懷慶知府祀名

宦舊志

劉體元字乾夫廣東南海人進士嘉靖十年補長垣知縣操履甚潔左右無偏私省刑惜費凡事從容畢舉陞灤州知州去之日行李蕭然終明部郎中舊志

馬聰山西太平人舉人嘉靖十二年任長垣知縣有修城功陞鄧州知州宗人府經歷陞洮州府舊志

李汪山西太平人國子監生嘉靖十三年任長垣縣丞營馬政革除常例錢不受理詞訟曲盡民情人頌德焉陞陝

西同州州判

舊志

杜緯山西蒲州人舉人嘉靖十八年任長垣知縣潔己而嚴胥吏不敢售奸敷教化裕積貯作拜善亭達過室於門之左右曰凡與我者無問其人善則從之失則改之民衆皆悅陞太僕寺丞

郝良臣山西襄垣人進士嘉靖二十一年任長垣知縣奉檄建築大岡版邱南岳樊相四堡復按堡設義倉四以貯穀當是時諸州邑貯穀尚少獨長垣積萬石有奇邑人德之陞吏部主事歷官布政使

舊志

陳東光河南鈞州人進士翰林院檢討嘉靖二十四年謫長垣縣丞興學校正文風時示諸生學問之道人皆感化